

Alver kommune
Postboks 4
5906 FREKHAUG

Fråsegn til detaljregulering av fv. 564 - Fløksand-Vikebø - Alver kommune

Vi viser til brev datert 23.2.2021 om høyring av forslag til detaljregulering for deler av fv 564 - Fløksand - Vikebø. Vestland fylkeskommune har i samarbeid med Alver kommune utarbeidd detaljreguleringsplan med konsekvensutgreiing for fv. 564 Fløksand - Vikebø. Prosjektet omfattar fv.564 frå Fløksand til Vikebø på Holsnøy i Alver kommune og omfattar regulering av ca. 4 km med fylkesveg med parallell gang- og sykkelveg.

Vestland fylkeskommune vurderer reguleringsplanen ut i frå fylkeskommunens sektoransvar og målsettingar i regionale planar, i tillegg til vår fråsegn til oppstartmeldinga i brev av 30.9.2019.

For utfyllande planfaglege råd viser vi til internettsidene våre:
www.vestlandfylke.no/planlegging/kommunal-planretteiing.

Vurdering

Samferdsel

Vi ser at både alternativ A1 og A2 løyser dei trafikale utfordringane på ein god måte og er jamstilte når det gjeld effektmåla. Trafikktryggleik og tilgjenge for alle trafikanter er ivaretekne i begge alternativa.

Alternativ A1 står fram som noko meir intuitivt og lettles for trafikantane. Alternativ A1 legg opp til eit lettforståeleg system med firearm rundkøyring, som straks ein kjem til Fløksand frå sør fordeler trafikken vidare nordover, til Fløksand, eller til Brakstad via fv. 5308 Vestbygdvegen. Løysinga leier i noko større grad trafikken utanom grenda Fløksand.

Løysinga i alternativ A2 har ei meir oppstykk kryssløysing med rundkøyring med tre armar mellom ny og gammal fv. 564, medan T-kryss med Vestbygdvegen er behalde om lag som i dagens situasjon.

Kulturminne og kulturmiljø

Tiltaket krever dispensasjon frå kulturminnelova, og vi ventar enno på fråsegn frå andre off. instansar for å ta endeleg stilling til søknad om dispensasjon. Vi vil difor ettersende fråsegn knytt til kulturminne og -miljø når dette ligg føre.

Konklusjon

Vestland fylkeskommune har p.t ingen vesentlege merknader til planforslaget, men vil snarast mogleg ettersende fråsegn knytt til kulturminne og -miljø.

Med helsing

Eva Katrine Ritland Taule
fagleiar

Liz Eva Tøllefsen
seniorrådgjevar

Brevet er elektronisk godkjent og har difor inga handskriven underskrift

Saksbehandlarar:

Silje Svanevik-Røren, seksjon for veg og infrastruktur

Sigrun Wølstad, seksjon for kulturarv